

ԿՈՒՅՐԵՐԻ ԿԱՐՄԻՔԸ
(Արևելքի առականերից)

- Օրը ցերեկով
Երեք-չորս հոգով
Կույրերը եկան
Փըղին դեմ ընկան:
- 5 Մինը, որ մարմնին դիպավ հաստ, ահեղ,
— Հե՛յ, զգո՛ւյշ, կանչեց, մի պատ կա էստեղ:
Մյուսը, որ ոտն էր շոշափել իր դեմ՝
— Ի՛նչ պատ, ծիծաղեց, էս կոճղ է կարծեմ:
Երրորդի ձեռը կընճիթն էր ընկել.
- 10 — Օձ է, օձ, գոռաց, էլ ի՛նչ եք կանգնել:
Մինչդեռ չորրորդը պոչիցը բըռնած
Քահ-քահ խնդալով ծաղրում էր նրանց.
— Վահ՛հ, ճիշտ որ կույր եք. չիմացավ ոչ ոք:
Ոչ էս է, ոչ էն, այլ կախած մի թոկ:
- 15 Ձէ՛, պատ է,— չէ, կոճղ — չէ, օձ է,— չէ, թոկ...
Ու աղմըկելով ամեն մինը ջոկ,
Ինչպես որ եկել
Դեմ էին ընկել,
էնպես էլ կույր-կույր ետ դարձան կըրկին —
- 20 Սարի պես փիղը պարզ լուսի տակին: